

UENUIPANITAKANIT AIMUN

Ussi-atusseun e pushipitakanit innuat utshissenitamunuau e uauitakan assi

ushkau-pishim^u 26, 2022 - utaua - Agence d'évaluation d'impact du Canada

Innuat nass tapishinuat assinu kie e ishi takunit ute assit. E pushipinitakanit innuat utshissenitamunuau e uauitakan assi kie e ishi takut ute assit e minu-tshitapatakan tan e ishi tatshitaitshemikuat ne ka mamishat atusseuan anu tshi minu-nishtutenan tan e ishi pikunuet kie tan tshipa tutakanu tshetshi eka ishpeh katshitaitshemikuet.

Anutshish, utshimau Steven Guilbeault, [tshishe-utshimau ka tshitapatak e mishkutshipaninit assinu, unipinitakan atusseun ua pushipinitakanit innuat utshissenitamunua ne ua nanitussenitakan eshk eka tshimitakanikau ka mamishat atusseun](#) (le Cadre), ka tukakan e uitshi-atussemanit innuat.

Na atusseun tshika tshikanakuan tshe pushipitakanut innuat utshissenitamunua kie u tshitimauenitakan innu utshissenitamun e minu-nanitussenitakan tan e ishi katshitauet ka mamishat atusseun ne ua utinikan aimun e ashpitshishimuatshanut *takuaitsheun e ishi katshititshaimikuat assi, nipi-takuaitsheun, ninimissiu-takuaitsheun kie akusseu-takuaitsheun* tshetshi eka pikunikan namesh nete e tat.

Ne atusseun etatu shukashinakuan nete tshishe-utshimat mak innit e ishpitenitakan tatipan e ishi-uapatakan ute assit kie ne tshissenitamunua. Tshipa tshi minu pushuepinitakanu innu-tshissenitamun nete ua nanitussenitakan e ishi katshitauet ne ka mamishat atusseun tshetshi etatu minutakanikau ua tshimitakanikau, tshetshi eka ishpeh tshitimitakan assi, tshetshi minu utinikan aimun ua mishituepinitakan atusseun tshetshi eka metshipinitakan pikassun.

Tshetshi nishtuapatakan e apitenitakuet ne innu-tshissenitamun kie ne inuu ui pushipiniakan kie ua ishpitenimakan innu miam mate ushkutam^u ua tshimitakanikau tshetshi minu-tshitapatakan tan tshe ishi katshitauet, ka nutishinet kie mak ua pukunaitshanut apimi ua utaikan nikanipunu nenu tshishe-utshimau ua uitshi-atussemat innuat. Ekuannu ne Agence d'évaluation d'impact ute Canada et uapataniuet e uitshi-atussemat *Tshishe-utshimau mamuitun ute e ishpitashkamikat assi nete innu tipenitamuna*.

Ne atusseun ekuen ushkat e nukutan tan tshe ishi tshitutanut ne ua pushipanitanikau innu-tshissenitamunna ne e nanitussenitakanikau eshk eka tutakanikau ka mamishat atusseuna ne kie tshetshi eka unuipan aimun.

Ne Agence d'évaluation du Canada nashkumeu nenu 79 nishuasht-tatanu ashu peikushteu innu-mamuitunna ute canada, kie ne innu-mamuitun ka kukuetshiminanut, ka uauitshikuiat kie ka uauitumuimit tan tshe ishi-atusseiat.

E uitakan

« Innu tshissenitamun uauitshiuépan, kie shaputuepanu e uauitshiué, kie apitinu nenu e ishi uauitshiué ne e nakuteinitakan assi kie e ishi takueitshanut ute Canada e ishpitashkamikat. Une anutshish e uitakan minat peikuau nikaniteu tshishe-utshimau ua minu-uitsheuat kie uitshi-atussemant innua kie minupanitat atusseunu e ueeshitshitapatakanikau takueitsheun kie anitshenat tshe utinakau aimunnu nete tshetshi ishpiteinitakanikau innu-tshissenitamun ne ua tutakanikau ka mamishat atusseun.»

— Utshimau Steven Guilbeault, tshishe-utshimau ka tshitapatak e ishi mishkutshipinit assinu

E utshipinanut

- Ne «innu-tshissenitamun» e nene kassinu a mamushtanikau tshissenitamun kie animin tshetshi minu-nishtutakanikau ne innu e shuapatak. Ne innu-tshissenitamun nukuan tipan e ishiniut innu, ait e ishi aimait, ait e ishitaqueimatshishut kie tipan e ishinakunit utipatshimunuau. Aiatshimikuen kie mishkutshipanu. Ashpitishimuatshanut nete utat ka ietinanut kie natem ueeshikapuat. Anitshenat innuat, essimeuat kie anitshenat mashinut takunu e ishi-tipatshimutau. Anitshenat ka takunikau tshissenitamunu uinuau nene muk tshi minu uitamuat tshekuanu ua apishtatau.
- Ne atusseun ui tshika nikanipanitau nenu Agence d'évaluation d'impact ute Canada, kie ka pimipanikau tshekuan, ninimissiu-ishkuteu tshishe-utshimau, ne uinipeku-tshishe-utshimau tshika ashtau atusseunu tshetshi uitakanikau anite takuietsheuna.
 - *takuaitsheun e ishi katshititshaimikuat assi;*
 - *nipi-takuaitsheun;*
 - *ninimissiu-takuaitsheun;*
 - Ne *kakussanut-takueitsheun* ne ua tshishpeuatakan namesh mak nete e tat.
- Ume patetat takueitsheun tshe nashakanikau:
 - Innu utishpitenimun mak utshissenitamun;
 - Tshetshi nanitam takut aimitun kie nishtutatun;
 - Tshetshi ishpiteinitakani innu-tshissenitamun;
 - Tshetshi tshitimauenitakan tshetshi eka uinuiapan aimun ne innu-tshissenitamun;
 - Tshetshi atusseuatshanunit kie apishtakanikau innu utshissenitamunuaua.
- 2019 mishta-tshitashun, nishunnu-ashu-patetat ishpeh innu-mamuitun nitshishkuakanipan tshetshi ui tshissenitakan tshekuan takut tshi pushipinitakan nete atusseun. Patetat-tatunu ashu patetat ishpeh tshiuenikinipan atusseun ne tutakan kie innu-takueikan, innu-mashinaitsheutshuapa, tshishe-utshimau mashinaitsheutshuapa mak ka mamishat atusseunu-mamuitun tshiuenimupan.

- 2021 mishta-tshitashun, nishuasht-tatunu ashu peikushteu innu-mamuitun kie mashinaitsheutshuapa tshieunimupan nenu atusseunnu. lat uauitamupan anitshenat innuat ka kukuetshimanitau nenu Agence d'évaluation d'impact mak nenu Innutshimauat mamuitunuau

Tshe ishi-tapishinnanut

[Atusseun ua ishi tshitutan ua pishipanitan innu-tshissenitamun kie takuetsheun - Canada.ca](https://Canada.ca)

Innushteu ne atusseuan Kie tshipatshi nanituenitenau tshetshi ishi innushtan

- [Inuktitut \(Baffin tshiutin baffin minishtikuat\)](#)
- [Inuktitut \(Kuanutin Baffin minishtikuat\)](#)
- [Michif-cri](#)
- [Ojibwa de l'Ouest](#)
- [Nitamit tetapeu innuat](#)
- [Oji-Cri](#)
- [Innu-aimun](#)
- [Mi'kmaq](#)
- [Tene](#)

[Ne tshishe-utshimauat mamuitun ute ishpitashkamikat nete innu-tipenitamun - Canada.ca](https://Canada.ca)

Auen nenu atusseshtak

E aimitunanut ashit katipatshimu-mashinaitsheht
Agence d'évaluation d'impact du Canada
343-549-3870
iaac.media.aeic@canada.ca

Nashaunan anite Twitter: [@IAAC_AEIC](https://twitter.com/IAAC_AEIC) #SavoirAutochtone